



18 JUN, 2025

Nuklear kunci capai sifar bersih 2050

Harian Metro, Malaysia



Nuklear kunci capai sifar bersih 2050

Kuala Lumpur: Malaysia tidak akan mampu untuk mencapai sasaran sifar bersih menjelang 2050 jika tidak membabitkan penggunaan tenaga nuklear.

Timbalan Menteri Peralihan Tenaga dan Transformasi Air, Akmal Nasrullah Mohd Nasir berkata, apabila kerajaan mengumumkan Pelan Hala Tuju Peralihan Tenaga Negara (NETR), tumpuan bukan sahaja pada aspek pengeluaran atau peralihan tenaga, tapi juga perubahan dalam corak penggunaan tenaga.

Katanya, kini semakin ramai berminat untuk melabur dan datang ke Malaysia, jadi, sudah tiba masanya untuk melihat semula pendekatan tenaga negara secara menyeluruh merangkumi tiga perkara utama iaitu kemampuan, kelestarian dan keselamatan bekalan.

“Walaupun nuklear bukan dikategorikan sebagai tenaga boleh baharu, ia antara sumber tenaga paling bersih dari segi pelepasan karbon. Tanpa tenaga nuklear, kita mungkin tidak mampu capai sifar bersih menjelang 2050,” katanya.